

觀佛三昧海經

卷三

百八十八
覆三

48644



佛說觀佛三昧海經卷第三

東晉天竺三藏法師佛陀跋陀羅譯

覆

觀相品第三之三

佛告父王云何觀佛耳佛耳普垂埵旋生七
毛輪郭衆相及生王宮初穿耳時令兩耳孔
內外生華此蓮華中及耳七毛流出諸光有
五百支支五百色色出五百化佛佛五菩薩
有五比丘以爲侍者遶光右旋其數五巾上
下正等映照佛耳佛耳可愛如寶蓮華懸處
日光佛在世時一切大衆咸見是相是名佛
耳色相光明佛告父王若四部衆遠離憒鬧
正念思惟佛耳相者此人生處耳根清淨無

諸穢惡耳常得聞無上微妙十二部經聞已
信解如說修行除滅八十劫生死之罪若不
見者如前入塔諦觀像耳一日至十四日亦
得如向所說功德是故智者當勤修集正觀
佛耳勿使廢失若病苦時倚側偃卧亦當觀
佛清淨耳相如是觀像耳如前所想心不懈
退後身生處亦常得與陀羅尼人以為眷屬
聞法憶持譬如貫珠如是觀者名為正觀若
異觀者名為邪觀去何觀如來方頬車相如
來頬上六畫中左右正等有妙光色輝豔倍
常閻浮檀金光色遍照令佛面相如淨金色
譬如和合百千日月是名如來方頬車相佛

滅度後佛諸弟子繫念思惟作是觀者除滅
百劫生死之罪面見諸佛了了無疑如是觀
者名爲正觀若異觀者名爲邪觀去何觀如
來師子欠相佛張口時如師子王口方正等
口兩吻邊流出二光其光金色過逾前光百
千萬倍上入耳光圍遶諸髮從枕骨出遶前
圍光一一晝間有三化佛一一化佛有二梵
王以爲侍者是名如來師子欠相佛滅度後
四部弟子作是觀者除滅十劫生死之罪後
身生處口中恒有優盞華香有所宣說人皆
信受譬如帝釋三十二天一切信用如是觀
者是名正觀若異觀者名爲邪觀去何名觀

如來鼻相如來鼻高脩而且直當于面門如
來鼻端如鷹王觜鼻孔流光上下灌注上者
上入眼眉白毫相髮際如是直入頂肉髻骨
譬如金幢從枕骨出變成衆華華上皆有天
諸樂神手執樂器遍入一切諸化佛間以爲
導從遶光十帀下者直至入佛髻中圍遶髻
毛令髮毛根有華開敷如稊米粒流入脣腭
至諸齒間映飾咽喉下至佛胷成光明雲表
裏清淨無諸塵翳如瑠璃器盛金光艷是名
如來真淨鼻相佛滅度後佛諸弟子如是觀
者除滅千劫極重惡業未來生處聞上妙香
心意了了不著於香常以戒香爲身纓絡如

是觀者名爲正觀若異觀者是名邪觀云何
觀如來鬚諸鬚毛端開敷三光紫紺紅色如
是光明直從口邊旋頸上照圍遶圓光作三
種畫其畫分明色中上者一一畫間生一寶
珠其珠光明有百千色珠下白華莖莖相柱
滿三帀已然後彼光還入鬚中是名如來髮
毛光相佛滅度後作是觀者除二十劫生死
之罪後身生處身諸毛孔有自然光心不樂
著家居眷屬世間之樂常樂出家修頭陀行
如是觀者名爲正觀若異觀者名爲邪觀云
何觀如來脣色赤好如頻婆果相於上下脣
及與斷腭和合出光其光團圓猶如百千赤

真珠貫從佛口出入於佛鼻從佛鼻出入於
白毫從白毫出入諸髮間從髮間出入圓光
中映飾諸華口四十齒印上生光其光紅白
光光相照照四十齒令四十齒朗然齊白如
頗梨璧上下齊平無參差者齒間文畫流出
諸光亦紅白色如是衆色佛在世時映耀人
目佛滅度後當以心眼觀見此色佛諸弟子
作此觀者除二千劫生死之罪後身生處脣
口微妙齒不踈缺得色中上色雖得是色心
不貪著常見諸佛聲聞緣覺爲之說法令心
不疑如是觀者名爲正觀若異觀者名爲邪
觀云何觀如來廣長舌相如來舌者是十波

羅蜜十善報得其舌根下及舌兩邊有二寶
珠流注甘露滴舌根上諸天世人十地菩薩
無此舌相亦無此味舌上五畫如寶印文如
此上味入印文中流注上下入瑠璃筒諸佛
笑時動其舌根此味力故舌出五光五色分
明遶佛七帀還從頂入佛出舌時如蓮華華
上至髮際遍覆佛面舌下亦有衆雜色脉如
此上味流入脉中其味力故變成衆光有十
四色一一光上照無量世界一一光間有一
光臺其色衆妙不可具名一一光臺龕室無
數一一龕中無量化佛結跏趺坐聲聞菩薩
一切大衆皆悉圍遶過於上方無量世界化

爲一佛佛身高顯如須彌山如是諸佛其數
無量皆出舌相亦復如是一一光下照至阿
鼻獄令阿鼻獄如黃金色佛舌力故令受苦
人暫得休息自慨前世所作惡事如是下過
無量世界一一界中化寶華樹葉如佛舌舌
相放光光光相照變成化佛其化佛身純白
銀色身相具足一一化佛出廣長舌舌相光
中有諸化佛如是化佛其數無量化佛光明
成一銀山其山高大大無量無邊於其山間純
生銀樹金華銀菓樹下皆有白玉蓮華華上
復有白玉化人玉人齋中化生六龍其龍口
黑龍色純白是化玉人其數無量復更下過

照無量界見白玉樹從下方出至娑婆界復
更翦鬱至三界頂枝條扶疏其葉有色色九
十八一一樹葉遍覆三界其諸葉間復有龍
烏虎狼師子毒虫惡獸狸猫鼯鼠無事不有
其餘境界坐者自見見一光照東方今東方
地皆作金色山河樹木一切火燒火光金光
各不相障於金光端有諸化佛佛佛相次乃
至東方無量世界譬如稻麻間無空缺一佛
皆有無量菩薩以為侍者是諸菩薩亦出舌
相與佛正等如是舌相無量光明化成光雲
於光雲中如微塵等無量化佛結跏趺坐如
是光明其數無量時火炎端有五夜叉手執

利劍頭有四口吸火而走如是諸鬼其數無
量乃至東方亦復如是一光照南方無量世
界令其世界作瑠璃色瑠璃地上生黃金華
黃金華上生馬腦華馬腦華上生車渠華車
渠華上生玫瑰華玫瑰華上生虎珀華虎珀
華上生珊瑚華珊瑚華上生金精華金精華
上生金剛華金剛華上生摩尼光華摩尼光
華一一光間有無量色百億寶華一一華鬚有
無量釋迦文足結跏趺坐菩薩大衆以為圍
遶時諸大衆身毛孔中亦出此華一一華上
現希有事亦如上說是諸化佛出廣長舌相
開現光明倍勝是相百千萬倍於諸華間有

妙寶座高顯可愛如梵王牀一一牀上有大
菩薩身相端嚴猶如弥勒亦出廣長舌相其
舌光明作摩尼網覆諸化佛及與大眾摩尼
網間出大寶光其實光端復有無量無邊化
佛一一化佛各有無數比丘侍從時諸比丘
坐金蓮華身黃金色安禪合掌入念佛定身
諸毛孔出金色光此一一光化成化佛猶如
金山圍遶比丘有化比丘亦圍遶佛如是衆
多數不可說一光照西方令西方地作頗梨
色頗梨地上有金剛雲金剛雲中有白寶雲
白寶雲中有赤真珠雲赤真珠雲中有白真
珠雲白真珠雲中有紫真珠雲紫真珠雲中

有綠真珠雲綠真珠雲中有紅真珠雲紅真
珠雲中有閻浮檀金沙雲閻浮檀金沙雲中
有金剛摩尼微塵雲金剛摩尼微塵雲中有
一切寶色微塵雲如是一一雲中有五十六
億色微妙鮮好過於眼界惟有寂心可與此
合如是諸相復有無量微塵化佛一一化佛
無量微塵諸化弟子諸塵不大諸佛不小端
嚴微妙如釋迦文亦出舌相一一光照北方
令北方地作車渠色車渠地上有金剛塔一
一佛塔百千妙塔以爲圍遶其數無量塔極
小者高五十億那由他由旬一一塔中復有
百億塵數龕窟一一窟中無量無邊諸寶色

水自然涌出是諸水上有大蓮華開現光明
其光現時香氣微妙勝海此岸栴檀之香百
千萬倍是香變為微妙光明諸光明中有諸
化佛身色微妙寶中上者一切衆寶從舌相
出時一一窟無量光明一一光明無量化佛
一一化佛復出舌相光明無量亦成香塔過

於北方無量世界不可窮盡但從念佛三昧
海生一光照東南方令東南方其地馬腦色
馬腦色地上有虎珀山虎珀山上生七寶林
七寶林間有十泉水水十寶色水色放光普
照東南方無量世界光所照處有大寶山一
一山間一一樹下生曼陀羅華摩訶曼陀羅

華於華臺上有一化佛純瑠璃色內外清徹
不可具名雜寶色光繞身千帀一一光中無
量化佛一一化佛無量大衆皆瑠璃色以爲
圍遶一一化佛出舌相光明化成寶山如是
寶山復過東南方無量世界一光照西南方
無量世界令西南方地純珊瑚色珊瑚地上
生碧玉樓樓極下者高五十億由旬樓一億
柱此一柱百億寶色一一寶放無數光此
一一光化爲無量千億寶樹一一樹下有六
泉水其水從樹根入從樹條出流出之時有
六寶色一一水中生一蓮華其華鮮白華上
復有一白化佛其身極白過踰一切白色之

上有五百色微妙光明圍遶佛身一一光明
化無數佛一一化佛有無數菩薩樓閣諸柱
皆放光明一一光中無數化佛青色化佛在
於珊瑚地上經行白色化佛在於青玉樓上
經行樓閣龕室皆有如是無數化佛亦出舌
相放大光明其光微妙照西南方無量世界
不可窮盡一光照西北方令西北方作虎珀
地虎珀地上生真珠山真珠山上有珊瑚樹
白玉葉摩尼華黃金果金精鬚樹下自然有
大師子其身七寶師子眼中放大光明照虎
珀地令琥珀地生一大蓮華其華團圓無量
無邊一一華上有光明雲其雲紫色雲上有

網綠真珠色真珠網間生金蓮華金蓮華上
有一化佛身紫金色青黃赤白五色光明以
爲圍遶一一光中無數化佛一一化佛無量
大衆是諸化佛出廣長舌相亦復如是如是
遍照西北方無量世界舌相光明不可窮盡
一光照東北方令東北方地純金剛色金剛
地上生華七寶合成華上生幢閣浮金色幢
頭有華其華無量百千寶色有無數華一一
華葉化爲無量百千寶帳一一帳角有七寶
幢一一幢頭有七寶蓋其蓋弥覆東北方地
一切世界蓋有五幡純黃金成幡有万億無
量寶鈴鈴出妙音讚歎佛名讚歎禮佛讚歎

念佛讚歎懺悔出是聲已寶帳下地大光踊
出其光微妙無數千億一一光中無量化佛
結跏趺坐坐寶帳內復有踊身住虛空中東
踊西沒西踊東沒南踊北沒北踊南沒邊踊
中沒中踊邊沒或現大身滿虛空中大復現
小身如芥子於虛空中行住坐卧身上出水
身下出火身下出水身上出火履地如水履
水如地水中生華大如車輪華上有佛結跏
趺坐如是化佛無量無邊同時見佛踊身空
中作十八變火上生一金頃彌山星宿日月
七寶莊嚴諸龍夜叉及大海水如是衆多頃
彌山左右一切諸有皆悉出現如是衆山其

數無量山頂有佛亦出舌相舌相光明遍照
東北方無量世界不可窮盡一光上照從閻
浮提四天王宮令四天王皆見釋迦文王世
尊人中之日乘七寶臺與諸大眾往彼天上
諸天見已發菩提心乃至無色界一切諸天
皆見是相了了分明心不謬亂令無色天不

謗涅槃起菩提想一光下照諸阿脩羅諸夜
叉等諸軋闍婆諸迦樓羅諸緊那羅諸摩睺
羅伽諸龍諸羅刹諸富單那諸金毗羅諸噉
人精氣鬼諸鳩槃荼諸吉遮諸曠野鬼諸餓
鬼諸食吐鬼諸食洩唾鬼諸食膿血鬼諸食
屎尿鬼諸山神諸樹神諸水神如是等若干

百千諸鬼神等。其身暫時作天。身色柔軟。悅
樂。譬如此。立入第三禪。是諸鬼等各隨業行。
自發三種菩提之心。諸餓鬼等。舌光現時。猶
如冷水滅節間火。火既滅已。融銅墮地。直陷
入地時。諸餓鬼皆悉張口。唱言。飢飢於千萬
歲。不曾見水。今遇此水。除熱清涼。是誰力耶。
空中聲曰。愚癡餓鬼。有佛出世。尊放舌光明。其
光照汝。令汝苦毒悉得休息。作是語已。一
鬼前見一慈母。坐蓮華臺。譬如慈母抱持嬰
兒。與乳令飲。使鬼飽滿。既飽滿已。發菩提心。
既發心已。一一慈母化成一佛。時一一佛亦
放舌相救。諸餓鬼佛攝舌相。此光千色。遶佛。

千帀光有千佛從佛頂入入已佛身嚴顯三
十二相八十隨形好皆悉明耀遍體流光晃
晃煜煜勝於百千無數億日佛告父王如來
舌相及舌功德觀舌境界其事如是佛滅度
後念佛心利觀佛舌者心眼境界如向所說
作是觀者除却百億八萬四千劫生死之罪
捨身他世值遇八十億佛於諸佛所皆見諸
佛廣長舌相放大光明亦復如是然後得受
菩提道記

佛告阿難汝持佛語莫令忘失告諸弟子正
身正意端坐正受觀廣長舌者如我在時等
無有異若有衆生聞此說者心不驚疑不生

誹謗不惱念佛者勸進念佛者供養恭敬尊
重讚歎如是等人雖不念佛以善心故除却
百劫極重惡業當來生處值遇弥勒乃至樓
至佛於千佛所聞法受化常得如是觀佛三昧
佛告父王如是觀者名為正觀若異觀者名
為邪觀云何觀如來頸相缺瓮骨滿相胷臆
字相卍字印相是衆字間出生圓光頸臍圓
相如瑠璃筒懸好金幢咽喉上有點相分明
猶如伊字一一點中流出二光其一光繞
前圓光足滿七帀衆畫分明一一畫間有妙
蓮華其蓮華上有七化佛一一化佛有七菩
薩以為侍者一一菩薩二手皆執如意寶珠

其珠金光青黃赤白及摩尼色皆悉具足如是圍繞諸光畫中是名佛頸出圓光相脅臆字文萬字印中缺峯滿相腋下珠相是諸相中一一勝相有五百色雜色光明共相映發各不相妨一一色光圍遶頸光足五百帀一一畫中五百化佛一一化佛五百菩薩以爲侍者五百比丘手執白拂侍立左右諸化佛光化菩薩光化比丘光於衆光中皆悉顯現大須彌山四天王宮諸天宮殿日月星辰龍宮神宮阿脩羅宮十寶山神四海水神及諸水性乾闥婆等諸婆羅門所尊敬事九十五種神仙異術父母所親歷世因緣如是等神

於佛光中悉皆顯現復有百億無量鬼神影
現圓光爲閻浮提人說孝養事此影化人見
衆人時皆自說言我是汝父我是汝母無量
世中汝字某甲我名某甲如是衆多無量大
衆皆是衆生所尊敬事於佛圓光了了如畫
如鏡見面如是衆相名爲圓光圍遶佛頸上
亦一尋下亦一尋左亦一尋右亦一尋足滿
八尺於圓光中流出化佛一切衆生所希有
事悉於中現了了分明於圓光上有金色豔
如摩尼珠嚴顯可愛摩尼燄間化生華樹其
樹金色百千萬億閻浮檀金不可爲比一一
樹下有寶蓮華華上化佛真黃金色如瑠璃

蓋以覆佛上顯發金顏分齊分明如是化像
其數無量佛在世時世尊行時此光照地前
一由旬純黃金色後一由旬純黃金色左一
由旬純黃金色右一由旬純黃金色有人近
佛左右行者其人臭穢皆悉不現人遠望之
同爲金色佛坐樹下此光赫奕如衆金華散
祇樹間有人諦觀佛頂光者前行看者見佛
在前從後看者見佛在後左邊看之見佛在
左右邊看之見佛在右八方人來遙見項光
各作是言瞿曇沙門在金山中遊行自在來
向我所如是衆人各各異見是名項光見此
光時佛頂向髻生萬億光光相次乃至上

方無量世界諸天世人十地菩薩亦不能見
其後右旋上妙螺文蜂翠孔雀色不得比有
千光明赫弈而起此光起時佛肉髻骨及佛
頭中一切妙相皆悉映現滿足面相光明可
愛人天淨國報得妙華不得爲譬佛面光明
益更明顯佛頸佛脅及以佛臂勝前數倍光
更明顯佛膝出光其光白色分爲四支隨身
上轉化作白華入項光下齋出五光光有二
支支有五色入脅骨中如白玉筒盛衆色水
從兩肩後自然踊出如金摩尼炎炎相拄諸
摩尼光有妙蓮華二蓮華上有七化佛如畫
如印隨佛身轉不相障礙鹿王踰鈎鎖骨槃

龍結間如是中間出諸金光此一光從一
節出入一節間如是和合成一大光如金摩
尼任佛肘後豔至項光赤銅爪足指縵網各
各有光其光赫奕瑠璃頗梨備七寶色從佛
足趺副稱佛身如摩尼珠亦如前光上至圓
光足下輪相及長足跟各生一華其華微妙
猶如淨國優鉢羅華佛足跟出圍遶諸光滿
足十帀華華相次一一華中有五化佛一一
化佛五十菩薩以爲侍者一一菩薩其頂上
生摩尼珠光此相現時佛身毛孔一一孔中
旋生八萬四千微細諸小光明嚴飾身光極
令可愛如是種種雜色名爲常光名適意光

亦名隨諸衆生所樂見光亦名施衆生眼光
此光一尋其相衆多瞿師羅觀佛此光隨小
乃至他方諸大菩薩觀佛之時此光隨大如
雜華說佛白父王及勅阿難吾今爲汝悉現
具足身相光明作是語已佛從坐起告阿難
言汝諸比丘并諸釋子皆悉起立合掌向佛
諦觀如來從頂光明下至足光從頂肉髻下
至足下平滿之相復勅比丘復從足下平滿
相上乃至肉髻亦觀如來身光頂光復勅從
佛一一毛孔盡一身分一一事觀皆了了
如人執鏡自觀面像若生垢惡不善心者若
有毀犯佛禁戒者見像純黑猶如炭人釋子

衆中五百釋子見佛色身猶如炭人比丘衆
中有一千人見佛色身如赤土人優婆塞衆
中有十六人見佛色身如黑象脚優婆夷衆
中二十四人見佛色身猶如聚墨如是四衆
各各異見比丘尼衆中有比丘尼見佛色身
如白銀色優婆夷衆中有優婆夷見佛色身
如藍染青色如是四衆觀佛色身所見不同
時諸四衆聞佛是語啼哭兩淚合掌白佛我
等今者不見妙色五百釋子自拔頭髮舉身
投地鼻中血出佛生我家佛初生時衆人皆
見純黃金色惟有我等恒見佛身猶如炭人
亦如羸瘦諸婆羅門我等宿世有何罪各惟

願佛日爲我解說說是語已自拔頭髮啼哭
如前宛轉自撲尔時慈父出梵音聲安慰諸
釋及諸四衆善男子等如來佛日出現世間
正爲除滅汝等罪咎汝等還起佛自知時當
爲汝說尔時大衆從地起已遶佛三匝禮世
尊足五百釋子詣阿難所禮敬阿難白言尊
者我之與汝俱生釋家汝獨聰明揔持佛語
猶如寫水置於異器我宿罪故不見佛身何
況聞法說是語已對阿難哭

尔時如來以梵音聲告諸釋子及勅大衆諸
兄弟等勿復號哭過去有佛名毗婆尸如來
應供正徧知出現於世教化衆生度人周訖

般涅槃後於像法中有一長者名曰所德有
五百子聰明多智廣知世間一切文藝星宿
曆數無不貫練其父長者信敬佛法常爲諸
子說觀佛心亦說甚深十二因緣諸子聞已
疑惑不信言父老耄爲諸沙門之所誑惑我
諸書籍都無是義父今何處求覓得此時父
長者愍諸子故隱匿佛法不爲宣說是時諸
子同遇重病父觀諸子命不支久到諸子所
一一兒前泣淚合掌語言汝等邪見不信正
法今無常刀割切汝身汝心煩悶爲何所怙
有佛世尊名毗婆尸汝可稱之諸子聞已敬
其父故稱南無佛父復告言汝可稱法汝可

稱僧未及三稱其子命終以稱佛故得生天
上四天王處天上壽盡前邪見業墮大地獄
地獄受苦獄卒羅刹以熱鐵叉刺壞其眼受
是苦時憶父長者所教誨事以念佛故從地
獄出還生人中貧窮下賤尸棄佛出亦得值
遇但聞佛名不覩佛形毗舍佛出亦聞佛名
拘樓孫佛出亦聞其名拘那含牟尼佛出亦
聞其名迦葉佛出亦聞其名以聞六佛名因
緣故與我同生雖生此處我今身相端嚴乃
尔汝見我身如羸婆羅門我身金色閻浮檀
金色不得比汝見我色猶如炭人佛告諸釋
子汝今可稱過去佛名為佛作禮并稱汝父

禮過去佛亦稱我名敬禮於我未來有佛号
曰弥勒亦當敬禮說汝先世邪見之罪今佛
現世沙門大衆一切雲集汝當向諸大德衆
僧發露悔過隨順佛語懺悔諸罪佛法衆中
五體投地如太山崩向佛懺悔心眼得開見
佛色身端嚴微妙如須弥山光顯大海旣見
佛已心大歡喜白佛言世尊我今見佛三十
二相八十種好身黃金色一一相好無量光明
作是語已尋時得道成須陀洹白父王言我等
今者欲於佛法出家學道父王告言汝自白
佛佛聽汝不即往佛所白言世尊我欲出家
佛告釋子善來比丘鬚髮自落即成沙門身

所著衣化成法服合掌禮佛稱南無佛未舉
頭頌成阿羅漢三明六通皆悉具足佛告父
王大王今者見諸釋子懺悔除罪成阿羅漢
不父王白佛唯然已見佛告父王是諸比丘
前世之時以惡心故謗佛正法但為父故稱
南無佛生生常得聞諸佛名乃至今世遭值
我出世見佛色身及見衆僧聞佛所說懺悔
衆罪因懺悔故諸障消除諸障除故成阿羅
漢佛告阿難我涅槃後諸天世人若稱我名
及稱南無諸佛所獲福德無量無邊況復繫
念念諸佛者而不滅諸障礙耶佛告諸比丘
汝等所以見佛色身如赤土者汝等前世於

然燈佛末法之中出家學道既出家已於師
和上起不淨心然其和上得羅漢道知弟子
心告言法子汝於和上及衆僧所莫起疑意
若起疑意於諸淨戒永無得理時諸比丘聞
和上說心生瞋恨是時和上知弟子心漸漸
自制不爲其說時千弟子隨壽脩短各欲命
終和上猶存而不涅槃是時和上到弟子所
而說是言汝諸比丘初受法時疑師疑戒虛
食信施汝等今者欲何所怙諸人聞是心驚
毛豎白言和上爲我說法和上告曰汝今事
切不宜餘處教汝懺悔汝今但當稱然燈佛
如來應供正遍知十号具足尔時諸比丘用

和上語咸皆稱言南無諸佛既稱佛已尋即
命終乘善心故得生天上上生忉利封受自
然畢天之壽下生世間坐前世罪虛食信施
墮餓鬼中洋銅灌咽壽命長遠八萬四千歲
餓鬼罪畢生畜生中畜生罪畢還生人中貧
窮下賤以爲莊嚴既生人中聞諸佛名因於
前世出家力故信心內發如前宿識稱南無
佛以稱佛名因緣功德八千世中常值佛世
而眼不覩諸佛色身況復聞法乃至今日遭
值我世見我身體狀如赤土佛告諸比丘汝
等先世於不疑處橫生疑見於可信處橫生
不信以是罪故不見諸佛不聞正法如我今

者現生王宮我色真正色中最上汝見赤土
時諸比丘聞佛此語各自悔責偏袒右肩合
掌向佛而作是言我於前世無量劫時邪見
疑師虛受信施此因緣故墮地獄中今雖得
出於無量世不見諸佛但聞其名今見世尊
身赤土色正長五尺是時世尊被僧祇支示
曾臆字令比丘讀誦得字已知佛功德智慧
莊嚴於萬字印中說佛八萬四千諸功德行
比丘見已讚歎佛言世尊甚奇特但於曾字
說無量義何況佛心所有功德說是語已向
佛懺悔五體投地如太山崩悲號雨淚對佛
啼哭是時世尊軟言安慰令諸比丘心得歡

喜既歡喜已猶如風吹重雲四散顯發金顏
三十二相炳然覩現既見佛已心大歡喜發
菩提心

佛告父王此千比丘慇懃求法心無懈怠於
未來世過算數劫當得作佛号南無光照如
來應供正徧知十号具足其作佛時地純金
色七寶行樹妙寶樓閣以為莊嚴其土衆生
皆是慙愧懺悔之徒純是菩薩發無上意如
是千佛次第出世亦如賢劫千菩薩等次第
成佛佛告大王是諸比丘疑師疑僧獲大重
罪如向所說稱南無佛所得果報今於我世
現前受記何況正念思惟佛者諸比丘尼見

佛銀色從座而起偏袒右肩為佛作禮白言
世尊如來今者自說身色除諸衆生無量重
罪我等何故從生出家乃至今日見佛銀色
銀華銀光諸莊嚴具悉皆是銀我等云何不
見如來金光赫燄亦不見佛三十二業果報
功德是時如來聞諸尼語即便微笑有金色

光從面門出遶佛銀身足滿十由旬此光現時
諸尼見佛身紫金色三十二相光明顯照不
可具說諸尼見已觀眉間白毫右旋宛轉見
已歡喜應時即成阿羅漢道三明六通具八
解脫諸比丘尼自識宿命曾於前生無量劫
時有佛出世亦名釋迦文彼佛滅後有諸衆

子出家學道僧中一人遊行教化見五百童
女在山澤中歡娛自樂時彼比丘攝持威儀
安詳徐步至諸女所敷尼師壇在地而坐諸
女見已各各歡喜而作是言此空閑處神仙
所遊忽然有此勝士比丘來在此坐必非凡
人我宜供養各脫銀鏤散比丘上比丘精進
德行純備後必成佛願我見之時女所散鏤
汝等貪著銀寶色故生生常在白銀山中受
銀山神寶女之身以礼沙門奉獻銀鏤今遭
我世沐浴清化成阿羅漢尔時比丘則我身
是時諸女者汝身是也汝於前世供養沙門
礼諸佛故從是已來恒值諸佛佛告父王佛

人中寶祐利處多若聞名者禮拜供養獲大
重報何況繫念思佛正顏優婆塞衆中見佛
世尊如黑象脚者即從座起偏袒右肩合掌
向佛而作是言我生此國我國王子出家成
佛阿私隨仙見三十二相即爲我說地天太
子成佛無疑我聞是語歸依於佛從是已來
恒隨佛後受三歸依受持八齋受五戒法然
我罪咎但聞佛聲不見佛形每見佛時如黑
象脚阿酷之甚說是語已舉手椎胸號泣躡
地是時如來以梵音聲猶如慈父安慰其子
告諸優婆塞言法子還坐佛當爲汝除斷疑
悔滅諸障礙說是語已告諸優婆塞汝等先

世無量劫時於閻浮提各作國王王領諸國
使得自在有諸沙門爲利養故爲汝邪說不
順佛教法說非法非法說法汝等諸人皆信
用之是人以此諸惡教故命終之後墮阿鼻
地獄汝等隨順惡友教故命終亦墮黑闇地
獄由前聞法善心力故今遭我世受持五戒
法汝今應當佛法僧前說汝邪見邪友所教誠
心懺悔諸優婆塞聞佛此語稱南無佛稱南
無法稱南無僧說諸罪各誠心懺悔時佛即
放眉間大人相光照諸人心心意開解同時
即得須陀洹道諸優婆塞旣得道已見佛色
身端嚴微妙世間無比求佛出家成阿羅漢

優婆夷衆中見佛色身猶如聚墨者即從座
起合掌向佛雨淚號哭悲不能言舉手拍頭
氣絕躄地是時世尊見是事已以梵音聲安
慰諸女告言諸女何故愁憂乃至如是是時
諸女聞佛語聲諸情根開即起合掌白世尊
言佛日出世普照一切衆人皆見如月盛滿
惟我不見佛說法時諸人皆聞八種音聲我
獨不聞如生聾人尊者舍利弗爲我受戒乃
聞其說有五戒法每至佛會見佛世尊猶如
聚墨惟願天尊以大慈悲故除我罪咎令我
得見是時世尊於師子座還坐伸脚出千輻
輪相以此示諸女諸女但見衆妙蓮華從輪

相出華上化佛猶如墨人復更合掌向佛作
禮白言世尊爲佛弟子已經多時惟有今日
見妙蓮華見諸化佛猶如墨塗宿有何罪眼
闇乃介佛告諸女諦聽諦聽善思念之如來
今者爲汝分別過去久遠無量世時世有
佛号一寶蓋燈王如來應供正遍知彼佛滅
後於像法中有諸比丘入村乞食執盃持錫
杖威儀不犯至姪女家時諸姪女取比丘盃
盛滿盃飯戲比丘言汝釋種子顏色可惡猶
如聚墨身所著衣狀如乞人汝之可惡天下
無比自言無欲誰當念汝尔時比丘聞此語
已擲盃空中飛騰而去諸女見已慙愧懺悔

而作是言我等今者施沙門食願於來世身
得自在猶如沙門佛告諸女尔時諸女飯羅
漢者今汝等是汝以善心施比丘食二千劫
中常不飢渴坐前惡罵姪怒因緣六十小劫
墮黑闇地獄由前發願善心不滅今遭我世
得受五戒乃是供養阿羅漢故見舍利弗不
見我身尔時世尊說是語已即於齋中出大
蓮華其大蓮華化成光臺其光臺中有百千
無數聲聞比丘如舍利弗目捷連等於佛光
臺神通自在作十八變諸女見已心生歡喜
應時即以智慧大火燒二十億洞然之結得
須陀洹道諸優婆夷既得道已見佛色身端

嚴微妙惟不見佛白毫相光佛告父王戲弄
惡口乃至得道所見不明是故諸人當勤護
口專心正意觀佛三昧以見佛故獲無量福
是時世尊欲令大眾見佛色身了了分明佛
即化精舍如白玉山高妙大小猶如須弥百
千龕窟於衆龕窟影現諸像與佛無異時佛
前地有大蓮華其華千葉葉有千光光千化
佛佛千弟子以爲侍者佛告阿難佛滅度後
佛諸弟子若能割損諸事捐棄諸惡繫念思
惟佛常光者佛不現在亦名見佛以見佛故
一切諸惡皆得消滅隨其所願於未來世當
成三種菩提之道佛告阿難如此觀者是名

觀若異觀者名為邪觀

觀佛三昧海經卷第三

覆

頰

反古叶

豔

字豔

吻

反亡

粉

梯

帝音

慨

反苦

愛

莛

上音

又

烏

反孔

扶

疏

作下

正

狸

猫

音上

力

之

反

下

鼯

鼠

上音

又

玟

瑰

上

音

梅

回

反音

嬰

兒

上

一

反

晃

煜

上

胡廣

反

頸

反居

領

笄

同盆

字

副

稱

下

去

耄

反莫

報

匿

反尼

力

怕

音

娛

音

環

還音

酷

反苦

篤

稚

反直

追

錫

杖

繫上

反先

捐

棄

下

音

緣

字

